

ЙЎЛ ЖАМҒАРМАСИНИНГ БОШҚАРУВ ТУЗИЛМАСИ ВА УНДАГИ МУАММОЛАР ЕЧИМИ

Пардаев Файзулла Ғаффарович

Тошкент давлат иқтисодиёт университети
катта ўқитувчиси

Аннотация: Мамлакатда иқтисодиётнинг фаол ўсиши автомобиль йўлларининг сифати ва йўл тармоғи инфратузилмаси билан бевосита боғлиқ ҳисобланади. Йўл тармоғи ва транспорт инфратузилмасиning ривожланиши иқтисодий алоқаларнинг интенсивлигини белгилайди ва иқтисодиётни ривожлантиришнинг энг муҳим шартларидан биридир. Мазкур тадқиқот ишида умумий фойдаланишдаги автомобиль йўлларини қуриш, таъмирлаш ва сақлаш жараёни бўйича молиялаштиришнинг хуқуқий асослари, шунингдек умумий фойдаланишдаги автомобиль йўлларини инвестициявий молиялаштириш бўйича хориж тажрибалари ўрганилиб, мамлакатимизда бу борадаги мавжуд муаммо ва камчиликларни бартараф этиш юзасидан илмий-амалий таклифлар ишлаб чиқилган.

Калит сўзлар: жамғарма, тузилма (структурा), биринчи авлод, иккинчи авлод, қурилиш, таъмирлаш, сақлаш.

Abstract: The active growth of the economy is directly related to the quality of highways and the infrastructure of the road network. The development of the road network and transport infrastructure determines the intensity of economic relations and is one of the most important conditions for the development of the country's economy. In this research work, the legal basis of financing for the process of construction, repair and maintenance of public highways, as well as foreign experiences on investment financing of public highways, are studied, and scientific and practical proposals are developed to eliminate existing problems and shortcomings in this regard in our country.

Key words: Foundation, structure (structure), first generation, second generation, construction, repair, maintenance.

Кириш

Ривожланаётган давлатларда йўл соҳасини молиялаштириш миллий ёки маҳаллий бюджетдан умумий ажратмалар ҳисобидан амалга оширилади. Йўл хўжалиги учун бюджет маблағлари тегишли йил учун мавжуд бўлган умумий бюджетдан, шунингдек, соғлиқни сақлаш, таълим, мудофаа ва бошқа соҳаларга ажратилаётган маблағлар қатори ажратилаётган маблағ билан бир вақтда ажратилади. Автомобил йўлларини таъмирлаш учун аксарият ҳолларда маблағ билан таъминлаш масаласи кечикади ёки тўлиқ молиялаштирилмайди, бунинг

асосий сабабларидан бири автомобиль йўлларини таъмирлаш узоқ даврни талаб этгани боис сметага киритилган нархлар ўзгаради, инфляция даражаси таъсир этади. Бу эса йўлларни сақлаш ишларининг кечикишига, йўл тармоқларининг ёмонлашишига, натижада янгидан қайта қуришга олиб келади.

Маблағларнинг камлиги ва унинг ўзгарувчанлиги муоммасини ҳал қилиш учун бутун дунё мамлакатларида йўл жамғармалари жорий қилинган. Йўл жамғармалари одатда йўл фойдаланувчиларнинг тўловларидан, мақсадли даромадлар ҳисобидан молиялаштирилади. Йўл фойдаланувчиларнинг тўловлари тўғридан - тўғри ҳаракат қатнашчилари томонидан ундириладиган солиқ ва йиғимларга тегишли бўлиб, уларга ёқилғи солиғи ёки йиғимлар, Республика ҳудудига транспорт воситаларини олиб кирганлик учун ва чет эл транспорт воситалари бошқа давлат ҳудудидан ўтгандаги бож туловлари ҳамда бошқа шу каби йиғим ва божлар ҳисобига шакланади. Жамғарма “фойдаланувчи тўлайди” тамойилини жорий этади, бунда йўл ҳаракати қатнашчилари ўzlари фойдаланадиган йўл тармоғидан фойдаланиш ва таъмирлашни молиялаштиради.

Гарчи йўл жамғармалари йўл қурилиши ва ободонлаштириш харажатларига ҳам ҳисса қўшиши мумкин бўлса-да, йўл фонди даромадларида бундай харажатларни қоплаш учун маблағ кўпчилик ҳолларда етарли бўлмайди. Шунинг учун йўл жамғармаси маблағлари йўл тармоғини сақлаш ва маълум даражада қайта қуриш ҳамда таъмирлашни молиялаштириш билан чегараланади. Йўл жамғармаларининг фаолияти асосан бир хиллик кўзга ташланса-да, улар қандай молиялаштирилиши ва улар томонидан молиялаштириладиган тадбирлар нуктаи назаридан вақт ўтиши билан уларнинг бошқаруви ўзгаради. Кўринча йўл фойдаланувчилари учун тўловларни белгилашга қаратилган биринчи авлод йўл жамғармалари ва йўл жамғармасини бошқаришга кўпроқ эътибор бериладиган иккинчи авлод йўл жамғармалари билан жамғармани бошқариш фарқланади.

Биринчи авлод йўл жамғармалари кўринча Молия вазирлигининг маҳсус ғазна ҳисобварақларида бўлиб, улар йўл соҳасидаги муайян тадбирларни молиялаштириш учун мўлжалланган. Ушбу йўл жамғармасининг асосий мақсади йўл фойдаланувчиларида тушаётган даромадларни йўл соҳасига йўналтириш. Бу молиялаштириш даражаси йилдан - йилга яънада барқарор режалаштириш имконини беради. Маҳсус ғазна ҳисобварақлари кўринча фойдаланилмаган маблағларни кейинги молия йилиги ўтказиш имконини беради, бу эса ишни фаслларга кўра режалаштириши осонлаштиради ва харид ёки сотищдаги кечикишлар туфайли маблағ йўқотишларнинг олдини олади. Биринчи авлод йўл жамғармалари асосан ҳукumat қарорлари билан тартибга солинади. Йўл фойдаланувчилардан тушган даромадлар умумий бюджетнинг бир қисмини ташкил этади. Ушбу йўл жамғармаси кўринча тўғридан - тўғри йўл тармоғини бошқариш ва йўл ишларини бажариш учун маъсул бўлган давлат идораси ёки йўл агентлиги томонидан бошқарилади. Маблағлардан фойдаланиш ҳисбот ва бухгалтерия талаблари билан давлат молиявий тартиб қоидаларига бўйсинади. Мустақил молиявий аудит камдан - кам ўтказилади ва бажарилаётган ишларнинг сифат ва миқдори техник аудити томонидан ўтказилмайди.

Бу эса иккинчи авлод деб аталағидан йўл жамғармасининг яратилишига олиб келади. Ушбу авлод йўл жамғармасининг асосий мақсади даромадлардан фойдаланишда жавобгарлик ва шаффофликни оширишдан иборат. Бу қўпинча йўл хўжалигини умумий тижоратлаштириш доирасида, жамғармани бошқариш учун алоҳида ташкилот яратишни ўз ичига олади. Бу жамғармани қундалик бошқаруви бўйича котибият ва Кузатув кенгашидан иборат бўлиб, булар маблағлардан фойдаланишни тасдиқлайди ва йўл тармоғини молиялаштиришга бўлган эҳтиёжни ҳисобга олган ҳолда йўл фойдаланувчиларнинг мақсадли тўловлари учун қўлланилайдиган ставкалар тўғрисида қарор қабул қиласи. Кузатув кенгаши таркибида турли давлат органлари вакиллари, қўпинча йўл ҳаракати қатнашчиларининг вакиллари бўлади. Шундай қилиб йўл жамғармасини бошқариш йўл ишларини бажаришдан ажратилган. Йўл жамғармасини яратиш одатда қонун асосида амалга оширилади ва қўпинча йўл жамғармаси фаолиятини тартибга солувчи ҳуқуқий хужжатлар билан тўлдирилади. Мақсадли йўл фойдаланувчиларнинг баъзи тўловлари бюджетдан ташқари бўлиб, бу эса молиялаштиришни башорат қилишни таъминлайди. Ҳисбот ва бухгалтерия ҳисоби тартибларини мустаҳкамлаб, ҳар йили мустақил молиявий аудит ва муентазам техник аудитлар ўтказиш, шунингдек аудит натижалари ҳар йили йўл жамғармасидан фойдаланиш бўйича батафсил йиллик ҳисбот билан бирга эълон қилиш, шаффофликни сезиларли даражада ошириб боришни тақоза қиласи.

Асосий қисм

Бугунги кунда мамлакатнинг молиявий ҳолатини соғломлаштириш ва ривожлантириш бўйича тадбирлар асосий ўринга кўтарилимоқда. Бундай масалаларни ҳал қилишда бюджетдан ташқари давлат жамғармаларининг ўрни бениҳоя салмоқли бўлмоқда. Давлат мақсадли фонdlар марказий ёки маҳаллий ҳукумат органлари тасарруфида бўлган ва мақсадли йўналтирилган молиявий воситалар йиғиндисини ифодалайди.

Мақсадли жамғармалар тизими соҳасидаги таниқли олимлардан В.Д.Роикнинг фикрича, меҳнат билан банд бўлган ҳар бир фуқаро пенсия фондига ижтимоий суғурта бадаллари тўлашлари лозим. Шунингдек, фонdlарнинг молиявий барқарорлигини оширишда нодавлат фонdlар тизимининг муҳим аҳамият касб этиши алоҳида таъкидланган¹. Мамлакатимиз иқтисодчи-олимларидан Доц. Д.Рустамов томонидан пенсия тизимининг молиявий барқарорлигини таъминлаш масалалари тадқиқ қилинган ва бу борада илмий асосланган таклиф ва тавсиялар ишлаб чиқилган бўлиб ушбу асосларни ва таклифларни бошқа мақсадли жамғармаларни ривожлантиришда хам фойдаланиш катта самара беради². Бизнинг фикримизча ҳар бир бюджетдан ташқари мақсадли жамғармалар хоҳ алоҳида далат миқиёсида шакланган ҳоҳ бирор бир тузилма таркибида шакланганинидан қатий назар улар ҳар томонлама мустақил, солиқ тўловчилар учун очик ва шаффоф бўлишлари шарт. Ана

¹Роик В.Д. Социальное страхование в меняющемся мире: каким будет выбор России – СПб: Питер, 2014.– С.177-236.

²Доц. Д.Рустамов Иқтисодиётни модернизациялаш шароитида ризк менежментидан фойдаланишнинг устувор йўналишлари.

шундагина бу жамғармаларни нафакт солиқ ва йиғимлар хисобидан балки маҳаллий ва халқаро миқёсда хомийлик маблағларини хам жалб қилишдек имкониятга эга бўламиз.

Ўзбекистон Республикаси Вазирлар Маҳкамасининг 1993 йил 5 июлдаги “Республика йўл жамғармасини ташкил этиш тўғрисида” ги қарорига асосан “Ўзватойўл” концерни таркибида мустақил молия-кредит давлат муассасаси - Республика йўл жамғармаси (кейинги ўринларда қисқача РЙЖ), шунингдек, автомобиль йўллари ҳудудий давлат акционерлик бирлашмалари ва туман бошқармаларида эса - тегишли равишда вилоят ва маҳаллий йўл жамғармалари ташкил этилсин³. - деб белгиланган.

Бу жамғармалар биринчи авлод вакили сифатида ташкил этилган, яъни юридик шахс мақоми берилмасдан “Ўзватойўл” концерни, ҳудудий бошқармалар ва туман бўлимларида оддий банк ҳисоб рақамлари сифатида очилиб жамғарма маблағлари йиғилган.

Жамғарма маблағлари жамоа ва давлат хўжаликлари, корпаративлар, транспорт, қурилиш, кичик саноат, қўшма корхоналар ва бошқа ташкилотларнинг жорий йилда маҳсулотлар ишлаб чиқаришнинг ҳақиқий ҳажмидан, тайёрлов, савдо корхоналари ва ташкилотларининг, таъминот сотиш ташкилотларининг, тижорат банкларининг жорий йилда ҳақиқий даромадининг бир фоизи миқдорида;

Автомобиль транспортига эга бўлган барча корхоналар ва ташкилотларнинг автомобиль транспортидан ва автотранспорт воситаларидан фойдаланишдан олган даромадларининг икки фоизи миқдорида ажратмалар:

Енгил автомашиналар сотиш қийматининг 5 фоизи ҳамда юк автомобилларни ва автобусларни сотиш қийматининг 10 фоизи миқдорида:

“Ўзватойўл” концерни корхоналари ва ташкилотлари мол-мулкини сотиб олишдан бюджетта тушуши керак бўлган маблағлар умумий суммасининг 50 фоизи миқдорида жамғарма маблағлари шакланган⁴.

Умумий фойдаланишдаги автомобиль йўлларини лойихалаш, қуриш, қайта қуриш, таъмирлаш ва сақлаш ишларини маблағ билан таъминлаш “Автомобиль йўллари тўғрисида” Конунининг 13 моддасига мувофик, ушбу жамғарма маблағлари хисобидан амалга оширилган. Ўзбекистон Республикаси Президентининг 2003-йил 19 августдаги “Умумий фойдаланиладиган автомобиль йўллари қуриш ва улардан фойдаланишни бошқариш тизимини такомиллаштириш тўғрисида” ги ПФ-3292-сон фармони билан “Ўзватойўл” давлат акциядорлик концернини “Ўзватойўл” давлат акциядорлик компанияси (ДАК) этиб қайта ташкил этилди ва йўл хўжалиги бошқариш тизулмасидаги Республика, вилоят ва маҳаллий йўл жамғармалари тутатилиб, Ўзбекистон Республикаси Молия вазирлиги ҳузурида Республика йўл жамғармаси (РЙЖ) ташкил этилди⁵. Шу билан

³ Ўзбекистон Республикаси Вазирлар Маҳкамасининг қарори “Республика йўл жамғармасини ташкил этиш тўғрисида” Тошкент ш., 1993 йил 5 июль 334-сон.


⁴ Республика йўл жамғармаси маблағларини шаклантириш ва улардан фойдаланиш тўғрисида низом. Вазирлар Маҳкамасининг 1993 йил 5 июлдаги 334-сон қарори 1-илова.

⁵ Ўзбекистон Республикаси Президентининг фармони “Умумий фойдаланиладиган автомобиль йўлларини қуриш ва улардан фойдаланишни бошқариш тизимини такомиллаштириш тўғрисида” Тошкент ш., 2003 йил 19 август, ПФ-3292-сон.

бирга жамғармани бошқариш кенгаши тузилди. Республика йўл жамғармаси маблағларидан қонуний ва мақсадли фойдаланишни назорат қилиш Ўзбекистон Республикаси Молия вазирлиги хузуридаги Республика йўл жамғармаси бошқариш кенгашига юкланди. Ушбу жамғарма иккинчи авлод вакили сифатида ташкил этилди, яъни алоҳида юридик шахс мақоми берилди ва тегишли вазирлик ҳамда қўмиталар вакиллари иштирокида кузатув кенгаши тузилди.

Жамғарманинг вазифалари этиб, маблағлар тушуми ва сарфининг йиллик, чораклик ҳисоботларини шакллантириш, йўл хўжалиги обьектларини қуриш, реконструкция қилиш, таъмирлаш ва жихозлашнинг рўйхатларини шакллантириш, умумий фойдаланишдаги автомобиль йўлларини қуриш, реконструкция қилиш, таъмирлаш, жихозлашларни тасдиқланган харажатлар бўйича молиялаштиришни амалга оширишдан иборат.

1-расм: Республика йўл жамғармасининг бошқарув тузилмаси (2017 йилгача)



Манба: Ўзбекистон Республикаси Президентининг 2003 йил 3292-сон фармони асосида муаллиф томонидан тайёрланди.

1-расм: Республика йўл жамғармасининг бошқарув тузилмаси (2017 йилгача)

Ўзбекистон Республикаси Президентининг 2017 йил 14 февралдаги “Йўл хўжалиги тизимини бошқаришни янада такомиллаштириш чора-тадбирлари тўғрисида” ги ПФ № 4954 сон фармони билан Молия вазирлиги хузуридаги Республика йўл жамғармаси (РЙЖ) Вазирлар Маҳкамаси бўйсинувига ўтказилди⁶. Республика йўл жамғармасига мажбурий ажратмалар ва йиғимлар, умуддавлат солиқлари ва бошқа мажбурий йиғимлардан маблағлар йиғилади. Жамғарманинг

⁶ Ўзбекистон Республикаси Президенти фармони “Йўл хўжалиги бошқариш тизимини янада такомиллаштириш чора-тадбирлари тўғрисида” Тошкент ш., 2017 йил 14 февраль ПФ-4954-сон.

вазифалари маблағлар тушуми ва сарфининг йиллик, чораклик ҳисоботларини шакллантириш, йўл хўжалиги обьектларини қуриш, реконструкция қилиш, таъмирлаш ва жиҳозлашнинг рўйхатларини шакллантириш, умумий фойдаланишдаги автомобиль йўлларини қуриш, реконструкция қилиш, таъмирлаш, жиҳозлашларни тасдиқланган харажатлар бўйича молиялаштиришни амалга оширишдан иборат.

Ўзбекистон Республикаси Президентининг 2018 йил 26 декабрдаги ПҚ № 4086-сон қарорига асосан, Давлат мақсадли жамғармаларига мажбурий ажратмалар бекор қилинди ва айрим жамғармалар тутатилди, айримларида илгари бажариб келинган функцияларига ўзгартириш киритилди. Шундан, Вазирлар Махкамаси ҳузуридаги Республика йўл жамғармаси Транспорт вазирлиги ҳузуридаги Автомобиль йўллари қўмитаси тасарруфига ўтказилди. Йўл хўжалиги соҳасидаги қурилиш, реконструкция қилиш, таъмирлаш ва жиҳозлаш бўйича манзилли дастурларни молиялаштириш ва келишиш, шунингдек, автомобиль йўлларидан фойдаланиш ва сақлаш бўйича харажатларни молиялаштириш Молия вазирлиги зиммасига юклатилди.

Автомобиль йўллари қўмитаси ҳузуридаги “Автойўлинвест” агентлиги Республика йўл жамғармасининг хуқуқий вориси бўлиб, йўл хўжалигида инвестиция лойиҳаларини амалга ошириш бўйича ижроия органи функцияларини бажарувчи этиб белгиланди. Яъни ҳалқаро молия институтлари ва хорижий давлат молия институтлари иштирокида лойиҳалар бўйича бажарилаётган қурилиш - таъмирлаш ишларининг бажарилиши бўйича масъул. Бироқ, “Автойўлинвест” энди ўзидан олдинги Республика йўл жамғармаси каби йўл соҳасини ички молиялаштиришда иштирок этмайди.

Ўзбекистон Республикаси Президентининг 2019 йил 9 декабрдаги ПФ № 5890-сон фармонига асосан, лойиҳалаш йўл-қурилиш ишлари, шунингдек, умумий фойдаланишдаги автомобиль йўлларини реконструкция қилиш, капитал ва жорий таъмирлаш ҳамда эксплуатация ишларини молиялаштириш учун йўналтириладиган маблағларни тўплаш мақсадида Ўзбекистон Республикаси Молия вазирлиги ҳузурида Автомобиль йўлларини ривожлантириш мақсадли жамғармаси ҳамда шаҳарлар ва бошқа аҳоли пунктлари қўчаларида, хўжаликлараро қишлоқ автомобиль йўлларида (кейинги ўринларда – минтақавий йўллар) лойиҳалаш, йўл-қурилиш, таъмирлаш ва эксплуатация ишларини молиялаштириш учун йўналтириладиган маблағларни тўплаш мақсадида Қорақалпогистон Республикаси Молия вазирлиги, вилоятлар ва Тошкент шаҳар ҳокимликлари ҳузуридаги молия бош бошқармалари таркибида автомобиль йўлларини ривожлантириш худудий мақсадли жамғармалари ташкил этилсин⁷.-деб кўрсатилган.

Ушбу жамғарма биринчи ва иккинчи авлод йўл жамғармасидан фарқли равишда, юридик шахс мақомига эга бўлмасдан Молия вазирлиги ҳузурида бош

⁷ Ўзбекистон Республикаси Президентининг фармони “Ўзбекистон Республикаси йўл хўжалиги тизимини чукур ислоҳ қилиш чора - тадбирлари тўғрисида” Тошкент ш., 2019 йил 9 декабрь ПФ-5890-сон.

бошқарма томонидан режалаштириш ва молиялаштириш ишларини амалга ошириб келмоқда.



Манба: Ўзбекистон Республикаси Президентининг 2019 йил 5890- сон фармони асосида муаллиф томонидан тайёрланди

2-расм: Республика йўл жамғармасининг бошқарув тузилмаси (2019 йилдан Ўзбекистон Республикаси)

Молия вазирлиги хузуридаги Автомобиль йўлларини ривожлантириш мақсадли жамғармаси маблағлари республика бюджетидан ажратиладиган мақсадли маблағлар, Ўзбекистон Республикасининг тикланиш ва тараққиёт жамғармаси томонидан ажратиладиган фоизсиз кредитлар ҳамда умумий фойдаланишдаги автомобиль йўлларида жорий таъмирлаш ва эксплуатация ишларини молиялаштириш учун Қорақалпоғистон Республикаси бюджети ҳамда вилоятлар ва Тошкент шаҳрининг маҳаллий бюджетларидан ажратиладиган мақсадли маблағлар ҳисобига шакланади ва умумий фойдаланишдаги автомобиль йўлларини лойиҳалаштириш, қуриш, реконструкция қилиш, таъмирлаш, жиҳозлаш, корхоналарни модернизация қилиш ҳамда сақлаш, қишики қаров, кўкаламзорлаштириш, табиий оғатларнинг олдини олиш ва уларнинг оқибатларини бартараф этишга, Автомобиль йўллари қўмитаси ва бош бошқармаларини сақлаш ишларига сарфланади.

Қорақалпоғистон Республикаси Молия вазирлиги, вилоятлар ва Тошкент шаҳар ҳокимларлири хузуридаги молия бош бошқармалари таркибида

автомобиль йўлларини ривожлантириш жамғармалари маблағлари минтақавий йўлларда йўл қурилиш, таъмиrlаш ва эксплуатация ишларини молиялаштириш учун маҳаллий бюджетлардан ажратиладиган мақсадли маблағлар, маҳаллий ҳокимликлар томонидан жорий этиладиган йиғимлар, автомобиль йўллари ва кўчалари бўйлаб автомобиль сақлаш жойларидан фойдаланганлик учун тўловлар, транспорт воситаларини техник кўриқдан ўтказиш учун йиғимнинг базавий ставкасига қўшимча коэффициентларни қўллашдан тушадиган маблағлар ҳамда Молия вазирлиги ҳузуридаги Автомобиль йўлларини ривожлантириш мақсадли жамғармасидан трансферлар ҳисобига шаклланади ва минтақавий йўлларни лойихалаштириш, қуриш, реконструкция қилиш ва таъмиrlаш ишлари билан боғлиқ харажатларга сарфланади.

ХУЛОСА

Биринчи авлод йўл жамғармасининг кўпчилиги сиёсий аралашув ва маблағлардан самарасиз фойдаланишга олиб келинади, бундан ташқари ҳисобдорлик ва шаффофлик тўлиқ таъминланмайди. Иккинчи авлод йўл жамғармаларида котибият ва кенгаş жамғармани молиявий бошқариш учун маъсул бўлиб, техник таъминлаш маъсулияти эса йўл агентлигида қолади. Маъсулиятнинг бундай тақсимланиши муваффақиятли йўл жамғармасининг муҳим жиҳати ҳисобланади. Йўл жамғармасининг иккинчи авлодида, кенгаşлар ҳолатни яхшилаш учун вазирликлар ва маҳаллий давлат ҳокимият органлари, шунингдек, йўл ҳаракатидан фойдаланувчи муҳим ташкилотлар вакилларини қўшимча жалб этиш орқали жамғарманинг эҳтиёжлари ва устиворликларини тўғри акс эттирилишини таъминлашга интилади.

Молия вазирлиги ёки бевосита Вазирлар Маҳкамаси ҳузурида мустақил, юридик шахс сифатида йўл жамғармаси котибиятини ташкил этиш тавсия этилади. Бу ҳукумат учун мақбул бўлмаган тақдирда, йўл жамғармасини бошқариш йўл агентлиги ёки вазирлик томонидан эмас, балки тўғридан-тўғри Молия вазирлиги томонидан амалга оширилиши керак, бу эса йўл жамғармасини молиявий бошқариш ва техник бошқарув ўртасида ишларни режалаштириш ва бажаришни аниқ ажратишни таъминлайди. Йиллик иш режалари, мавжуд молиялаштириш билан боғланган чоррача ҳосил қиласди, гарчи ушбу режалар келишилган техник ва молиявий тартиб-қоидаларга мувофиқ йўл агентлиги томонидан тайёрланиши ва ушбу тартибларга риоя этилишини таъминлаш учун йўл жамғармаси котибияти томонидан кўриб чиқилиши мумкин бўлсада, иш режаларни якуний тасдиқлашда йўл жамғармаси кенгаши иккала томоннинг вакили бўлган давлат ва йўл фойдаланувчилари иштирок этиши керак. Шу сабабли Республикаизда ҳам иккинчи авлод йўл жамғармасини бошқариш тизимига ўтилиши, яъни жамғарма алоҳида юридик шахс сифатида ташкил этилиши, иш режалари кенгаş томонидан тасдиқланиши ҳамда маблағларнинг сарфланиши кенгаş томонидан назорат қилиб борилиши мақсадга мувофиқ саналади.

Фойдаланилган адабиётлар рўйхати:

I. Норматив ҳуқуқий хужжатлар

1. Ўзбекистон Республикаси Вазирлар Маҳкамасининг қарори “Республика йўл жамғармасини ташкил этиш тўғрисида” Тошкент ш., 1993 йил 5 июль 334- сон.

2. Республика йўл жамғармаси маблағларини шакллантириш ва улардан фойдаланиш тўғрисида низом. Вазирлар Маҳкамасининг 1993 йил 5 июлдаги 334- сон қарори 1- илова

3. Ўзбекистон Республикасининг қонуни “Автомобиль йўллари тўғрисида” Тошкент ш. 2007 йил 2 октябрь ЎРҚ -117- сон

4. Ўзбекистон Республикаси Президентининг фармони “Умумий фойдаланиладиган автомобиль йўлларини қуриш ва улардан фойдаланишни бошқариш тизимини такомиллаштириш тўғрисида” Тошкент ш., 2003 йил 19 август, ПФ-3292- сон

5. Ўзбекистон Республикаси Вазирлар Маҳкамасининг қарори “ЎЗАВТОЙЎЛ” давлат - акциядорлик компанияси ва Ўзбекистон Республикаси Молия вазирлиги хузуридаги Республика йўл жамғармаси фаолиятини ташкил этиш масалалари тўғрисида”. Тошкент ш., 2003 йил 21 август, 361- сон

6. Ўзбекистон Республикаси Президенти фармони “Йўл хўжалиги бошқариш тизимини янада такомиллаштириш чора- тадбирлари тўғрисида” Тошкент ш., 2017 йил 14 февраль ПФ-4954- сон

7. Ўзбекистон Республикаси Президентининг қарори “Ўзбекистон Республикасининг 2019 йилги асосий мақроиқтисодий кўрсаткичлар прогнози ва давлат бюджети параметрлари ҳамда 2020-2021 йилларга бюджет мўлжаллари тўғрисида” Тошкент ш., 2018 йил 26 декабрь. ПҚ-4086-сон

8. Ўзбекистон Республикаси Президентининг фармони “Ўзбекистон Республикаси йўл хўжалиги тизимини чуқур ислоҳ қилиш чора - тадбирлари тўғрисида” Тошкент ш., 2019 йил 9 декабрь ПФ-5890- сон

II. Адабиёт ва ўқув ишланмалар.

1. Сирожиддинова З. Ўзбекистон Республикаси бюджет тизими. Ўқув қўлланма. - Т.; infoCOM.UZ.2010

2. Ваҳабов А. Бозор муносабатлари тизимида иқтисодий фондлар.- Т.; Шарқ. 2003. № 7, 117-б.

3. Роик В.Д. Социальное страхование в меняющемся мире: каким будет выбор России – СПб: Питер, 2014. – С.177-236.

4. Доц. Д.Рустамов Иқтисодиётни модернизациялаш шароитида ризк менежментидан фойдаланишнинг устувор йўналишлари.

Copyright: © 2024 by the authors. This work is licensed under a Creative Commons Attribution- 4.0 International License (CC - BY 4.0)

